

說疫

四五

中武
604
長5



門 賦 9
號 604
卷 2

辨疑小序

孟子曰盡信書則不如無書雖於武成尚
取二三策况其下焉者乎風雲月露之文
以訛傳訛尚無闕輕重獨至醫學治法稍
有舛錯人命收關貽害非淺况方書真贋
混淆實繁有徒也印屬名醫後人不敢嘗
議其中尚有泥於一時見解之偏執精力
之滲漏偽習其說者心有未安何可一誤

三和馬
藏書

再誤任徒千裁疑團牢不可破耶但所戒者無知妄作輕議為賢耳若能以一知半解匡古人之不逮以壽斯人倘徒者有知當必心許矣昔吳又可瘟疫論中有正誤數條夫誤者所失在人而疑者所蓄在己余學識疎淺焉敢正古人之誤但私心以為未穩者不能不疑也故作文以辨之松峯誌

松峯說疫卷之四

諸城劉奎松峯著輯

男秉錦濯西述較

福山劉嗣宗南瑛參閱

表姪李逢慶謹菴錄

辨疑

辨溫病陰暑

此事難知云冬行秋令當寒而溫火盛水虧云云推作瘟病之原固為近理乃又云火土合德濕熱相助故為溫病是溫病必原於濕熱將濕熱一門並可以不立矣須知濕熱乃夏時之正氣瘟疫乃天地之雜氣二者迥乎不同謂



瘟病。而兼濕熱。則有之。未聞濕熱而爲溫病者也。又云惟房室勞傷辛苦之人得之。是省房室就安逸之人必無瘟病矣。有是理乎。每見瘟疫盛行之年。節慾安逸之輩。往往有無端而感者。又何以稱焉。又云多慾辛苦之人。腎水內竭。陽氣外泄。生化之源。既絕。身之所存。獨熱云云。謂瘟病中有此一種。則可耳。若云瘟病盡由乎此。則萬無是理也。至于暑字。字彙解爲夏天氣熱。則人之受是氣者。斷無尚有屬陰之理。其曰陰暑者。祇因人畏暑。納涼外。受寒邪所致。仍是感冒。乃拋却現在之受寒。而止泥前此之受暑。故以陰暑名之。亦猶之曰陰熱也。有是理乎。知陰熱二字之不通。則知暑之不可以陰言也。明矣。

辨夏涼冬煖不足致疾

吳又可瘟疫論中駁冬溫之說曰。夏涼冬煖。轉得春秋之和氣。豈有因其和而反致疾者。

四時之序。應寒則寒。應煖則煖。所以人得天地之正氣。不能爲病。若夏宜熱而反涼。冬宜寒而反煖。未有不致疾者。但夏過於涼。其爲病也。卽時而見。惟冬令天氣過于和煦。往往當時不能爲害。至來歲春夏之間。方大發瘟疫。此余

屢經而屢驗者實非臆說也。第夏應熱而反涼，人感寒邪而閉塞腠理，不能踈泄其為病也。固無足異，唯冬時有非節之煖，當時不即病，必至來歲春夏間始作。此誠不可解也。人動曰冬傷于寒，至春夏變為溫暑病。余則曰冬過于溫，至春夏多發瘟疫病。彼吳又可謂冬煖夏涼不足以致疾也，吾幸不以為然。蓋以煖屬于春，涼屬于秋，煖與涼為春秋之正氣，謂之和也。始宜若見于冬夏之令。夏涼冬煖此為非其時，有其氣則不得謂之和矣。不和即為反常之戾氣。此夏涼冬煖之多致疾也。又烏得言溫煖清涼之未必為病也哉。

辨吳又可偏用大黃

瘟疫一症感邪厲之毒十之六，感溫熱之毒十之四。故用黃連解毒等湯不唯在表時服之寒凝血滯厥疾不瘳，即邪熱內傳應服涼藥，余往往不用黃連，不過生地丹皮二冬元參銀花童便極數用，石羔梔子黃芩而止，無不奏效。故吳又可戒用寒劑而專用大黃亦未可為非。蓋大黃雖寒，其性走而不守，當瘟疫膠固之時得此一番推盪，邪便解散，較純用寒涼者固勝一籌。但邪未入腑而輒用之，既

不能解在經之邪。徒受寒中破腹之患。其害有不可勝言者。又可之用大黃。雖不孟浪。至是但宜下。諸症未免偏于攻鑿。全忘下不厭遲之說。

若不善

師又可而舉手。即用大黃。反引又可為證。則又為又可之罪人矣。

辨用老君神明散東坡聖散子

活人云一歲之中病無長幼。率相似此。則時行之氣俗謂之天行是也。老君神明散務成子萤火丸聖散子敗毒散不拘日數淺深吐下隨症施行所

以聖散子不問陰陽表裡也

語云用古方治今病。譬如拆舊料蓋新房。不再經匠氏之手。豈可用乎。自哉斯言。洵堪為醫學用藥之準矣。夫古今之元氣不同。觀漢人之處方。動以兩計。宋元而降。不過錢計而已。以漢人之方治今人之病。吾知其過于峻重。以今人之方治漢人之病。吾知其不及病情。此處方分兩之未可泥也。至于用藥之權衡。則又不得以漫投者。蓋四方之風土不齊。羣倫之老少各異。天道之寒暄無定。南北之燥濕頓殊。人在氣交之中。或偏于陽。或偏于陰。或有時而壯旺。

或有時而虛怯。卽一人之身。一日之際。內傷七情。外感六氣。其病情之出沒隱現。真有若雲龍之不可方物者。若必執一方以應無窮之變也。有是理乎。活人以老君神明散。東坡聖散子爲治疫癘之的方。不拘日數之淺深病症之吐下。亦不問陰陽表裡便率爾妄投。其不殺人如麻者鮮矣。蓋二方中用烏附吳萸毒熱之品。陰寒直中者服之庶或無過。若傷寒傳經熱症以及瘟疫癘毒正宜用芩連大黃之時。若投此湯。入口必斃。神明散用絹袋盛帶以此外治。不服食尚不能爲害。至于聖散子則煎服之藥。是斷斷

乎不可用者。此方藥味亂雜。卽真陰寒症用之亦恐未能獲効也。後世因過信蘇長公。隨奉爲良劑。甘就死地。噫。抑何其爲東坡之名之所震。以至於此哉。以及神明散不過平人所製。假以李蘇之名以眩人之耳目。好異者遂深信而不疑。若必謂是方出自李蘇。則張景岳新方八陣中玉母桃一品。豈真瑤池仙府之所垂乎。吾願世之業醫者不可拘于一定之方。亦不可執其一偏之見。變動不拘。權衡有準。則干彼黃一道。田過半矣。

辨賄賑散等方

分晰藥中之
病者飲目已

之尿取名游疫
資生湯但病者
之尿有熱黃斷
不可服服宜便
耳

二分晰義書中載賂散一方用大黃為君而以殭蚕蟬
蛻薑黃佐之共為末蜜酒調服用治三十六般熱疫夫一
方而治多病者唯此應膏為然除此則廣東蠟丸亦有此
說然彼必有一單症用某引和服是丸雖一方而引因
病異則引之所問故大視無引而一方兼治者不侔矣且
瘟疫更與雜症同有表裡分傳之異經腑臟胃之殊老
少強弱之分天風土之別焉能以一方而治三十六症
乎余始得此書阻瘟疫盛行之年曾修和一料備用後偶
出門一女孫患瘟疫家中人因取與服服之返泄瀉昏睡

增劇筠谷兄修口此藥云乳蛾等疾服之甚效余細維其
故孫女服之增弱者以邪尚在表方內有大黃宜乎不受
至于云治咽喉或于熱毒相宜豈三十六症中詎無一應
者乎 中又有大小復甦飲子大小清涼滌
疫散靖疫飲驅疫飲等方總以黃連為君更雜錄諸寒若
藥以佐之 有至二十味之多者更斷斷不敢用
也

辨張景岳言瘟疫

景岳全書各門中講解俱極精詳透闢唯瘟疫

然緣其將傷寒瘟疫二症攙作一團未曾分晰。

也其論瘟疫曰瘟疫本即傷寒

無非外邪之病但染時氣而病無少長率相似者是即瘟疫之謂云云

第傷寒為寒所傷

或涼雨所逼或風雪所激或失足落水或猝然脫衣或當風而寢以致頭痛憎寒皮膚壯熱脊強無汗方謂之傷寒此係自取之病病只一人而止而眾人不然也至于瘟疫絕無諸項感觸而抖然患疾且非一人鄉邑閭里動皆相似其症雖有頭痛身熱脊強而多汗始終一于為熱

與傷寒迥乎不同治法亦異如何曰瘟疫本即傷寒

乎夫既曰本即傷寒再立瘟疫一門豈非贅癘乎且既曰本即傷寒而又曰染時氣而病吾不知先傷于寒而後為時氣所染乎抑染于時氣而後為寒所傷乎抑二者并集于一人之身乎總緣傷寒瘟疫原未看清猶做帖括者認題不真下筆便錯雖詞藻絢爛而不中肯綮總屬陳飯土羹其何以言文哉

最不敢從者發汗峻補二條抑知瘟疫豈

強許之所能解者乎。而峻補豈可施於熱毒之人乎。唯許下後或顯虛症或虛極久病之人而感瘟者用補法亦自不可少也。

噦與大噦是

辨嘔吐噦呃逆欬逆噫氣

丹溪書嘔吐門曰有聲有物謂之嘔吐是混嘔吐為一張景岳亦不以為然而未嘗深辨及觀李東垣則以嘔為有聲有物孫真人則以吐為有物無聲詳嘔吐字意當以孫李為是字彙嘔亦同謳夫謳必有聲而訶菴謂氣逆則嘔蓋氣一逆必作聲隨擁所食之物而俱出矣吐則較嘔所

出更易開以便漾出又豈有聲哉至于噦之一症經中雜

病篇直作呃逆而河間海藏則以噦為乾嘔張景岳謂呃

逆古無是名其在內經即謂之噦是特古今之稱名不同

而噦與呃逆斷不可混為一症也噦雖以河間海藏說為

是而東垣十書瀉痢集中則謂噦之聲濁惡長而有方直

至氣盡而後止非如乾嘔之輕而不甚也是較之劉王所

說則更明白曉暢矣至于呃逆即東垣所謂吃忒者此

症稱名不一隨其方言而呼之有曰格得者有曰打呃者

有曰打歌得者總與噦為二症明係今之所謂打呃是也

上
瀉音者瀉流而

靈樞則謂之餽音噫所謂餽不得息者是也觀金鑑中以爲格格連聲氣從臍下來自衝脈出口作聲豈非善于形容者乎至于欬逆與呃逆則又不可相混有以欬逆爲呃逆者有以欬逆爲噦者是皆未詳味經文耳經本以欬嗽氣逆爲言如氣交變大論曰歲金太過甚則喘咳逆氣又曰欬逆甚而血溢蓋以欬嗽不止而血隨氣上耳未聞打呃而見血者也此欬逆之非呃逆亦甚明矣而欬逆之非噦又何待辨乎至噫氣之說靈樞云寒氣客於胃厥逆從下上散復出於胃故爲噫仲景謂上焦受中焦氣未和不能

消是故能噫據此則噫者卽噯氣也亦卽俗之所謂拔氣也此理甚明人所易曉總之有聲有物曰嘔有物無聲曰吐有聲無物曰噦呃逆者卽打呃之謂欬逆者欬嗽之甚以致氣逆上衝也噫者字彙解作飽食氣滿而有聲豈非所謂拔氣者乎症各不同斷難相混至於得病之由與其治法各有虛實寒熱之異散見諸門茲不贅

辨五疫治法

龐氏云春三月行青筋牽病夏三月行赤脈攢病秋三月行白氣狸病冬三月行黑骨瘟病四季月各餘十八日土

攢音費多音攢擊搏也

王用事行黃肉隨病後人又以木火金水土五疫配之治各有定法其中止有所謂五疫乃天地之厲氣人中之則各隨其臟氣以爲病之說尚屬近理如所謂青筋牽等名色稔竒立異無益症治其用方如春三月用羌活湯夏三月用雙解散等法亦見沾滯至秋三月天漸涼冷反用三黃石膏殊不近理至其所用藥俱係發散等劑亦非治瘟疫的方也

辨吳又可疫有九傳治法中先裡後表

吳又可九傳治法有先裡而後表者始則發熱漸加裡症下之裡症除二三日內又發熱反加頭痛身痛脈浮者宜白虎湯按其瘟疫初起治法云脈長洪而數大汗多渴此白虎湯症又云白虎治瘟疫脈長洪而數又云脈長洪而數白虎清涼解散服之或戰汗自汗而解是凡三言白虎症而絕無脈浮之說也至于發熱頭痛雖列于白虎湯之下而又無身痛前後多所滲漏不符看來頭身痛脈浮三症似宜小柴胡加羌防始與症對而乃用白虎何也

辨瘟邪止在三陽經

吳又可之瘟疫論世所盛行其中達原飲固爲治瘟疫之

良方第言瘟邪浮越於某經者卽加某經之藥止有三陽在表治法至於邪之傳裡者僅有入陽明胃腑一條傳三陰則畧而不及夫云邪伏膜原自內達外不似傷寒之按次傳經則可若云邪總不入三陰是將臟腑經絡劃然中斷而人身之營衛總杆格而不通矣此豈理也哉卽傷寒傳足不傳手之說識者猶或非之至於瘟疫之傳變且並將三陰而遺之何也每見患瘟疫者腹脹滿大便實或自利發黃以及四肢諸症非傳入足太陰經乎舌乾口燥咽痛但欲寐非傳入足少陰經乎煩滿囊縮以及善怒號呼

衝逆動搖并脇肋諸症非傳入足厥陰經乎且不特此也患在皮毛氣分而哮喘咳嗽者知邪之入肺患在神志昏冒而面赤喜笑者知邪之入心是則五臟六腑瘟邪之傳變無所不到謂臟腑諸症不能一時皆現則可謂瘟邪止在三陽經必無是理也

辨內傷寒認作瘟疫

內傷寒之症初起無熱不渴止有胸膈脹滿悶面唇皆無光澤或瀉而胸腹急痛手足冷自覺不舒快少情緒其脈沉細此症總由過食生冷傷於脾胃所致故方書名之

為內傷寒而以治中湯溫散之此症多感於夏月而瘟疫
盛行之時與瘟疫甫愈之後或感此症昧者誤認為瘟疫
而以疫法治之鮮有不敗事者其弊必至於卒不能食泄
瀉不止而釀成大患唯用治中湯加減出入寒甚則加熟
附食積則加麥芽神麩肉積則加山查嘔惡則加藿香製
半夏鮮薑砂仁兼濕則加茯苓蒼朮胸膈痛悶則加枳壳
白芍柴胡若內既傷生冷而外復感風寒則用藿香正氣
散或五積散平胃散等加減治之
治中湯 卽理中湯加陳皮青皮

藿香正氣散 治外感風寒內傷飲食憎寒壯熱頭痛嘔
胸膈滿悶咳嗽氣喘及傷冷傷濕瘧暑霍亂吐瀉凡感
嵐瘴不正之氣者並增減用之

錦按疫初起用達原飲等不效者用此方加減治之

藿香 蘇葉 白芷 陳皮 半夏製

茯苓 甘草 厚朴姜汁炒 桔梗 白朮泔浸土炒

大腹皮洗極淨醃烏好集其楸毛落皮上洗不淨殺人 蒼朮泔浸炒原方無今加入無汗者更宜

又一方加木瓜傷食加消導藥 姜棗煎

五積散 治外感風寒內傷生冷其曰五積者能散寒積

食積氣積血積痰積凡身熱無汗頭身項背疼痛拘急
胸滿惡食嘔吐腹痛寒熱往來並治

蒼木 泔浸炒 厚朴 姜汁炒 陳皮 甘草 半夏 製

當歸 酒洗 川芎 酒洗 白芍 酒炒 茯苓 枳壳 麩炒

桔梗 白芷 蘇葉 改代麻黃 乾薑 表重用鮮 肉桂 表重用枝

生葱薑煎

平胃散 治脾濕痰痞宿食滿悶嘔瀉及嵐瘴不服水土

蒼木 泔浸炒 厚朴 姜炒 陳皮 炙草 姜棗煎

如傷食加神麩麥芽或枳實濕勝加五苓散痰多加製

半夏脾倦不思食加參朮痞悶加枳壳木香香附大便

結閉加熟軍小便赤澀加苓澤風寒加葱豉蘇芷防風

內傷寒發斑

患內傷寒後又兼之寒熱間作鼻中微出血兩手脉沉瀼

皮膚按之殊無大熱身上有斑三五點此內傷寒斑也調

中湯主之夾暑加香薷扁豆

調中湯

陳皮 半夏 製 甘草 桔梗 蒼木 泔浸炒

川芎 酒洗 白芍 酒炒 砂仁 炒研 藿香 羌活

白芷

麻黃

或代蘇葉

桂枝

枳殼

生姜煎

內傷寒發黃

內傷寒發黃者其人脾胃素虛或食寒涼生冷之物以致寒實結搏停滯不散中州變寒而發黃色或嘔吐或腹滿自利小便短少者宜調中湯前見加茵陳或埋中湯加茵陳枳實草果手足逆冷脈沉者加附子

按內傷寒為病本係雜症而採入瘟疫門中者因瘟疫愈後不戒生冷每患此症或再微發熱惡寒脈者不察往往誤認為瘟疫之復而以疫法治之寒涼清

解害人不淺故特為拈出再者瘟疫之復不能吃煙內傷寒始終能吃煙以此為辨錦誌

辨汗無太早下無太晚

此事難知云汗無太早非預早之早乃早晚之早
謂當日午以前謂陽之分當發其汗午後陰之分
不當發汗下無太晚非待入之晚乃當日之後為
陰之分也下之謂當已前為陽之分也

凡人初感寒邪一覺憎寒頭痛身痛身熱脊強便宜用溫
散之劑速發其汗斷無不愈之理雖年老及平素虛怯之
人不易作汗者覺病即服汗劑其邪亦無不即當時解散
者此余屢用而屢效者也遲則寒邪稽留傳變百出而斑

黃狂躁等症作矣所以一覺感寒便宜速治若必如難知所說或日午以後感寒必遲至明朝午前服汗劑不亦晚乎假如午後感寒此時雖屬陰分亦宜速服散劑且服之多未有當時即汗者必俟次早藥力既行又逢陽分出汗更易耳所謂汗無大早者明係預早之早豈早晚之早乎傷寒如此瘟疫亦然瘟疫之所調不宜發汗者指麻桂紫蘇而言至於元霜素雪等丹豈非涼散之劑乎瘟疫初起當即服藥亦不必拘以時日也至所謂太晚之說分明解作遲下非早晨夜晚第此言為庸醫不應下而妄下之者說法耳然其言不能無弊也若遇宜急下之症而必執下無太晚之說則陽明胃府勢必被邪火燒至燥裂而不可救矣下劑若必拘以時不亦謬哉早晚二字當易以遲速云汗無太速下無太遲則不煩言而解矣

辨鄭聲

論曰實則謔語虛則鄭聲重平聲語也夫聲必有語語必有聲蓋言聲則鄭而語則重也人虛而精神衰之不能自主語言重複絮聒而聲則有類於鄭耳鄭聲浮是狀其聲之呻吟唧唧頗似淫聲惟馮氏謂聲戰無力不能按續是字

出於喉中。爲得解。成氏亦謂鄭衛之聲。而王氏駁之。則非矣。又有解鄭聲爲鄭重者。夫曰鄭重其事。則有矣。曰鄭重分明。則有矣。以此解病人之聲。得乎。要之。指鄭之浮。聲取譬無疑也。凡患此者。其聲必低。氣必短。脈必無力。色必萎。悴。其兼症。則目無赤色。舌無胎刺。身無大熱。口無煩渴。小便清長。大便滑潤。或泄瀉。凡自言自語。喃喃不全者。皆是也。瘟疫始終一於爲熱。罕見此症。或汗多亡陽。下多亡陰者。有之。若果虛。最忌攻伐。少存差謬。無不卽死。速宜察其精神。辨其陰陽。斟溫補以救其根本。爲要。若昏沉。上氣喘促。發呃不止。不省人事者。危。

辨褚氏春瘟夏疫

瘟疫之說。前諸論中已詳哉其言之矣。茲讀褚氏遺書。審微篇有云。春瘟夏疫。內症先出。是將瘟疫二字拆開。分配春夏。總緣平看。瘟疫二字。且未悉其理解。

須知諸凡雜症。苟一時所患。皆同者。皆存疫氣。以行。其間如徭役之役。故悉得以役名之。而所該之病甚廣。瘟疫不過疫中之一症耳。乃串講之辭。若曰。瘟病之爲厲。疫如是也。若必如褚氏春瘟夏疫之說。是將瘟疫二字

拆開對待言之矣。由此以推，則世之稱傷寒者，獨不可云秋爲傷而冬爲寒乎？知分作傷病寒病之不通，則知言春瘟夏疫者之未妥也。明矣。至於褚氏言男女異脈云：女子陰逆，自上生下，故左寸爲受命之根，萬物從土而出，故左關爲脾，生左尺肺，肺生右寸腎，腎生右關肝，肝生右尺心等說，必再辯。

戴起宗曾非之，今不

諸方小存

諸醫書強半於方門中講究治法，左前而空留方名於後，不列藥味，止言於某卷某門，我尋令讀者欲閱一方，必將全部片羅案頭，按次循閱，夢如許精力始得，余甚不取。故論治中，乃再全方，印開於卷末，剩有避疫通治二條，每所位置，始另作一卷，以備採擇治瘳。其中方多簡便，不費藥料，間

有丸散亦可預為修和携帶而窮鄉僻壤
田父屨人以及征遠旅次某肆遠遠者偶
得厥疾皆可以所備裕以資辨施治勿某
有喜則送福於羣偏者不亦鴻遠哉抄奉
法

松峯說疫卷之五

諸城劉奎松峯著輯

男秉錦濯西述較

福山劉嗣宗南瑛叅閱

表姪李逢虔謹菴錄

諸方

避瘟方

雄黃丸 治瘟不相染

明雄一兩 丹參 赤小豆炒熟 鬼箭羽各二兩

共為末蜜丸梧子大每日空心溫水下五丸

避瘟丹 燒之能避一切穢惡邪氣

蒼木 乳香 甘松 細辛 芸香

降真香 等分

糊為丸豆大每用一丸焚之良久又焚一丸畧有香氣即妙

福建香茶餅 能辟一切瘴氣瘟疫傷寒穢氣不時噙化

沉香 白檀 各一兩 兒茶 二兩 粉草 五錢 麝香 五分

冰片 三分

共為細末糯米湯調丸黍米大噙化

透頂清涼散 凡遇時令不正瘟疫流行人各帶之或嗅

鼻可免侵染

白芷 細辛 當歸 明雄 牙皂 等分

共為細末磁瓶貯勿洩氣用時令病者噙水口內將藥

神聖辟瘟丹

蒼木 香附 羌活 獨活 甘松

三奈 白芷 赤箭 大黃 雄黃 各等分

共為末糊丸彈子大黃丹為衣晒乾正月初一平旦焚一炷辟除一歲瘟疫邪氣

老君神明散 避瘟疫

蒼木一錢 桔梗二錢五分 細辛 附子炮去黑皮各二兩 烏頭四兩去皮尖

共為細末帶於身邊可免瘟疫 不可服

藜蘆散一名赤散辟瘟疫

藜蘆 躑躅 乾姜各一兩 丹皮 皂角各一兩六錢

細辛十八銖 桂枝一作桂心 附子 硃砂一作真珠另研各六兩

共為粗末絳囊係臂上男左女右覺病作取藥末少許納鼻中 嫌分兩多和時四分之一亦可後皆倣此

務成子螢火丸 主辟瘟疾惡氣百鬼虎狼蛇虺 藺諸

人壽五兵白刃盜賊凶害皆避之

螢火虫 鬼箭羽去反 蒺藜 礬石各一兩煨 雄黃

雌黃各二兩 麝羊角 銀竈灰 鑄柄入斧頭木燒焦各兩半

共為粗末以鷄子黃雉雞冠一具和之如杏仁大紅絢縫三角囊盛五丸帶左臂上仍可掛於門戶

屠蘇酒

大黃十五銖 白朮十銖 桔梗十五銖 川椒十五銖炒出汗 防風六銖

烏頭六銖炒 桂枝十五銖 葶藶六銖乃今之二錢半廿四銖為一兩

入紅囊中于臘月晦日懸井中毋著水元旦出藥入酒

凌音極聲音恰 疑即稜稜之訛 藥名

中煎數沸於東向戶中飲之先自小者飲起飲三朝若
每年飲可代代無病內外井中宜悉著藥忌猪羊肉
生葱桃李雀肉

辟瘟丹

蒼朮

紅棗

和丸燒之

又方

時瘟疫流行水缸內每早投黑豆一握全家無恙

五更潛投黑豆大握于井中勿令人見飲水家俱無恙

入病家不染方

香油和雄黃蒼朮末塗鼻孔既出紙條探嚏如無黃朮
卽香油亦可飲雄黃酒一杯或止抹雄黃于鼻孔卽妙
瘟病不染

五月五日午時多採蒼耳嫩葉陰乾收之遇疫時爲末
冷水服二錢或水煎舉家皆飲能辟邪惡

避瘟良方 瘟疫盛行車前子隔紙焙爲末服卽不染

瘟疫不染方 將初病人貼身衣服甌上蒸過合家不染

又避瘟方 入瘟家以麻油塗鼻孔出再取嚏則不染

避瘟方 以桃葉上虫搗爛凉水調服瘟疫不染

一方用桃
虫煮尿

尿疑作屎

又方 以赤小豆糯米浸水缸中每日取水用

又方 以貫仲浸水用之或蒼朮浸水用

斷瘟法 密以艾灸病人床四角各一壯勿令人知不染
凡入瘟疫家常以雞鳴時默念四海神名三七遍百邪不犯

東海神阿明 西海神巨乘 南海神祝融

北海神禺强 每入病室存心念三遍勿出口

雄狐屎 在山中石上或竹木上尖頭者 燒之辟惡去瘟疫

茵陳烏梅湯 治瘟疫

九九盡日茵陳連根採陰乾遇瘟起每一人用茵陳五

分烏梅二个打碎水二盅煎八分熱服汗出即愈

赤豆避瘟法 正月七日

用新布囊盛赤小豆置井中三日取出舉家皆服男十
粒女廿粒瘟則遠避

薑酒避瘟法

凡遇瘟疫行時出門須先飲燒酒一盃回家時仍再飲一
杯然後食別物但勿至醉不能飲者出入可食姜蒜或
以塞鼻

神砂辟瘟丸

神砂一兩 研細白蜜和龙麻子大以太歲日或平旦一家皆向東方用井花冷水各吞廿一丸永無疫患忌葷一日

一方 元日五更以紅棗祭五瘟畢合家食之吉

一方 正月上寅日取女菁草末三合絳袋盛掛帳中能避瘟

避瘟殺鬼丸 如要少做或四分之一或改兩作錢皆可 一方有空心青蟹甲作龜甲

雄黃 雌黃各三兩 山甲 龍骨 蟹甲

蝟皮各二兩 川芎二兩 禹餘糧二兩 真珠附加 羚羊角七兩

虎頭骨七兩 樗雞十五枚如無以芫青十五枚代 東門上雄雞頭一枚

共為末蠟溶為丸彈子大每正旦病家門口燒一兩丸

並每人帶一丸 男左女右 避疫殺鬼並弔喪問疾皆吉

太蒼公避瘟丹 凡官舍旅館久無人到積濕積邪容易

侵人焚之可以遠此五六月終日焚之可以避瘟

蒼朮一斤 台芎 黃連 白朮 羌活各八兩

川芎 草烏 細辛 柴胡 防風

獨活 甘草 藁本 白芷 香附

當歸 荆芥 天麻 官桂 甘松

手姜 三奈 麻黃 牙皂 白芍 各四兩

麝香 三分

共為細末揉入艾中紙捲點之

一方 除夜將家中所餘雜藥調和成一處者焚之並焚葦葉可避瘟疫

一方 除夜有行瘟使者降於人間以黃紙朱書天行已

過四字貼於門額吉

一方 懸掛馬尾松枝可免瘟疫

一方 天行時氣宅舍怪異并燒降真香有驗

一方 兜木香燒之去惡氣除病瘟產兜渠國

一方 燒青木香薰陸安息膠香可避瘟疫

燒香避瘟 樞密王博文每於正旦四更燒丁香避瘟

人病家不染 用舌頂上腭努力閉氣一口使氣充滿毛

竅則不染

辟瘟丹 燒之避瘟邪氣

乳香 蒼朮 細辛 生草 川芎

降真 白檀 棗肉丸焚燒

不染瘟方

雄黃 五錢 赤小豆 一兩 蒼朮 一兩 泔浸去皮壁土炒

共爲細末水調每服一錢

又方 姜豉和白朮浸酒舉家常服 一方無朮

又方 初伏採黃花蒿陰乾冬至日研末收存至元旦密
調服

又方 六月六日採馬齒莧晒乾元旦煮熟鹽醋調食之

又方 元日用麻子三七粒赤豆七粒共撒井中避瘟

又方 元日吞赤小豆七粒服椒酒一杯却病避瘟

又方 立春後庚子日溫蔓菁汁合家并服不拘多少可

避瘟蘿蔔汁亦可 蔓菁亦云蕪菁

麻豆投井方 除夜四更時取麻子赤小豆各廿七粒並

佳人髮少許同投井中終歲無傷寒瘟疫

髮泥投井 除夜以合家頭髮燒灰同脚底泥包投井中

呪曰我家眷屬不害傷寒瘟疫遠遁四季平安急急如

九天金輪王勅令

避瘟方

於病人出汗時身下舒一挑担則不傳染須舒於褥底
下不得近身恐挑担涼冰汗不出

殺鬼丹

虎頭骨真者桃梟係桃之乾斧頭木係斧柄入斧雄黃

明亮者酥炙桃仁在樹上者朱砂光明者另研犀角屑頭中之木木香

另研去皮尖白朮各一錢五分鬼箭羽各一錢麝香七分

共為粗末帶之可避瘟疫

一方 於春分日用遠志去心水煎日未出時東面飲二

盞探吐則疾疫不生

一方 於穀雨以後用川芎蒼朮白芷藁本零陵香各等

分煎水沐浴三次以泄其汗汗出臭者無病

吐免疫

桃湯 元日服桃湯壓邪氣制百鬼

納椒井中 臘日之夜令人持椒卧井旁無與人言納椒

井中可除瘟疫一方除夜取椒廿粒行之

又方 元日飲蒼朮湯並用湯沐浴及焚燒可避終歲疫

逐蠅祛疫法

憶昔年入夏瘟疫大行有紅頭青蠅千百為羣凡入人

家必有患瘟疫而亡者後傳一法用鐵盆不拘大小納

白凡四兩用滾水傾入盆內令滿將凡化開次以口含

火酒連噴三口於盆內，又取桃核一枚，割兩頭令通去仁，用紙包鎗茶少許塞桃核空殼內，用紅線繩一根穿入核內，將紅線為絃，取桃枝縛作一弓，安於鉢盆中，凡水內弓背在下，弓絃向上，再用桃木作箭三枝，插於盆外，青蠅自當遠避，舉家即免瘟病，其益隨便安於宅之僻處，經歲莫動，相傳極效。松峯記。

避瘟方 新布盛大豆納井中一宿，取出每服七粒。

避疫椒栢酒 除日用椒三七粒，東向側栢七枝，浸酒一瓶，元日飲之。

通治疫癘方 常以東行桃枝煎湯浴之。未病已病皆治

避瘟方 以絳囊盛馬蹄屑佩之，男左女右。

預防熱病 黃賊風葛粉二升生地一升歧半升食後米飲服三錢。

日三服，已病則日五服。

避瘟不染 糶米為末，頓服之。

又方 三月三日取黍麵和菜作羹食。

預解瘡疹 茜根煎汁入少酒服。時行疹子正發時服此，則可無患。

李子建殺鬼元碎瘟疫殺一切藜蘆三兩虎頭骨兩雄黃兒白半

天雄皂莢蕪荑各五錢共為末，揉入艾絨中，用壯紙二層。

捲作箇週瘟疫時點著薰病人房中

七物虎頭元辟瘟殺鬼虎頭硃砂雄黃各兩鬼臼皂莢蕪荑雄

黃各一兩為末鎔蠟丸彈子大紅絹袋盛一丸繫男左女

右臂上又懸屋四角晦望夜半各當戶燒一丸晨起各

人吞小豆大一丸則不傳染

太乙流金散大辟雄黃兩羚羊角兩雌黃白礬各七錢半

共粗末三角絳囊盛一兩帶心前并掛戶上又青布包少

許中庭燒之

臘月鼠燒之辟瘟氣又于正旦所居處埋之辟瘟疫氣

除瘟方

松峯審定五瘟丹一名涼水金丹一各代天宣化丹專治時症瘟疫發熱

頭身腹痛譫語無汗日久不愈或發黃斑疹與痧或二

便五六日不行等症並暑月一切熱症又解痘疹毒

甘草製甲巳年為君黃芩乙庚年為君黃柏丙辛年為君梔子丁壬年為君

黃連戊癸年為君香附去淨細毛蘇葉鳳頭者蒼朮米泔浸

陳皮以上四味為臣明雄另研細硃砂另研細製甘草法立冬取

大青竹杯一頭截去節一頭留節納生甘草末于內蠟封緊口浸糞坑中頭冬至取出晒乾聽用

前甘草等五味當以某年為君者多臣數之半如甘草

等用二兩則香附等四味止用一兩也雄硃又減臣數
之半止用五錢矣於冬至日將甘草等九味共爲末雄
硃另研以一半入甘草等藥末中爲丸留一半爲衣再
用飛金爲衣大人服者丸如梧子小兒服者丸如黍米
雪水生蜜爲丸面東服五十丸病輕日淺者一服而愈
病深日久者三四服而痊忌腥辛辣油膩煎炒一切厚
味其分兩如君用一兩臣則五錢多寡不論總臣減君
一半雄硃又減臣一半也

松峯曰此方見萬氏家傳瘟疫門中與馬氏瘟疫發

源書內所載互有異同萬氏有蒼陳而馬則無之萬
氏香附製炒而馬氏言俱不見火萬氏用雪爲丸而
馬氏用大黃膏子萬氏不帖金而馬氏則帖金萬氏
服用滾白水而馬氏則用凉水萬氏甘草法製而馬
氏不法製其餘俱各相同愚意甘草製之則成人中
黃大能祛疫蒼朮香附吾用其生者蓋炒之則未免
有火氣飛金重帖亦妙以其鎮靜也至於用大黃膏
爲丸於初感瘟疫邪尚在經者大不相宜當仍以雪
水爲丸如恐不粘酌加生蜜則易丸初感瘟疫者用

滾白水送大熱時冷水送不大便時方用大黃水送
取二方面斟酌盡善此為近之

柴胡白虎煎 治陽明溫熱表邪不解等症

柴胡 黃芩 麥冬 各二錢 石羔 三錢 甘草 七分

引用竹葉

柴葛煎 治溫毒表裡俱熱能散毒養陰並治痘疹

柴胡 乾葛 黃芩 連翹 去隔 白芍 酒炒

甘草 水煎服

歸柴飲 治營虛不能作汗及真陰不足外感寒邪難解

者此神方也 大便多溏者以冬木代當歸亦佳

當歸 一兩 柴胡 五錢 炙草 八分

流水煎或加薑三五片或加陳皮 一錢或加參

人馬平安散 治一切時症風寒暑濕內傷生冷飲食頭

風頭痛心痛絞腸沙閉氣小腸疝氣牙痛猪羊瘋症用

簪脚點兩眼角或吹鼻孔男左女右

焰硝 二錢 硃砂 明雄 各一錢 冰片 五分 麝香 一錢

共為細末端陽午時修合磁瓶收貯勿出氣

神仙祛瘟方 服後已病者即痊未病者不染

撫芎八錢五分 蒼朮三錢三分三厘 甘草一錢六分六厘 乾葛一錢三分六厘

生薑三片 葱三科 連根水二碗 煎八分 空心服 病急者

即當急服 勿拘空心之說 撫芎用一錢 亦效 已試

葛根淡豉湯 治四時感冒

葛根五錢 淡豉三錢 煎服入姜汁少許

人中黃丸 一味不拘多少 飯為丸 綠豆大 下十五丸

炒麩慰法

熱邪傳裡服藥後將鹽炒麩一升絹包於病人腹上熨之藥氣得熱則行大便易通

松毛酒 可避五年瘟

松毛細切末 酒下二錢日三服

姜糖引 治瘟疫兼治傷寒

白糖一兩 生薑五錢 搗爛 滾水和服不應再服

頭痛如破

連鬚葱半斤 生薑二兩 水煮溫服

姜熨法 治胸膈不寬一切寒結熱結水結痰結痞氣結

生薑搗如泥將汁濾出存用取渣炒熱絹包揉熨心胸

脇下渣冷入汁炒再熨

仙傳吐法

治一切瘟疫傷寒傷風傷酒傷食

病初得用之更宜

飲百沸湯半碗以手揉肚再飲再揉直至腹無所容用

知翎探吐吐後煎葱醋湯飲之覆衣取汗甚捷

諸葛行軍散

菜豆粉

一兩

麻黃末

八錢

共研爛和勻每服一錢用無根水調服汗出即愈

靈寶避瘟丹

蒼朮

一斤

降香

四兩

雄黃

二兩

硫黃

一兩

硝石

一兩

栢葉

半斤

丹參

二兩

桂皮

二兩

藿香

二兩

白芷

四兩

桃頭

四兩五月五日午時收

雄狐糞

二兩尖頭者是

菖蒲根

四兩

升麻

一兩

商陸根

二兩

大黃

二兩

羌活

二兩

獨活

二兩

雌黃

一兩

唵叭香

如無可減

赤小豆

二兩

仙茅

二兩

硃砂

二兩

鬼箭羽

二兩

以上共二十四味按二十四炁為末米糊為丸如彈子

大棗一丸

松峯按桃頭不知何物豈桃樹尖耶唵叭香出唵叭

國色黑有紅潤者佳以軟靜色明者為上燒之能避

邪魅

逐瘟方

地黃八兩 巨勝子一升研再同 牛膝四兩 五加皮四兩

地骨皮四兩 官桂 防風各二兩 仙靈皮三兩

用牛乳五兩同甘草湯浸三日以半升同乳拌仙靈皮

放磁瓶內飯鍋中蒸之待牛乳盡出出字存疑方以溫水淘

切同前藥判細袋裝浸于二斗酒中數日藥味全下後

去渣十月朔飲至冬至

一方 雪水能解瘟疫常收貯所用 單飲前藥俱可

一方 臘月取皂角燒為末收貯遇時疫早起并華水調

服一錢或加姜汁蜜少許并華水清晨第一次服者

乾艾煎 治瘟疫頭痛壯 林盛

乾艾葉三升 水一斗煮一升頓服取汗

松峯按水酒以升斗計不行於今久矣况艾葉采用

時艾葉計以錢水計以盍可耳

椿皮煎 治瘟疫頭痛壯熱初得二三日者

生椿皮一升切 水二升半煎每服八合

松峯云椿係香椿今之臭椿乃擄耳

苦柳汁 治瘟疫傷寒不論日之多少

黃蒿心七个 柳條心七个

入碗內搗爛或少加水亦可濾去渣用雞子一個飛金三貼和
汁攪勻令病人一口吸盡隨即炒鹽半碗研細羅下用
手蘸鹽將病人胸腹并前後心遍擦再速用黃蒿柳條
熬滾水將病人周身盪之照方如是者三次立時發汗
而痊

呂祖塞鼻丹

歌曰沉香木香皆末共乳香硼砂皂角共良薑細辛當歸
各等分巴豆川椒及麝香又加硃砂雄黃等血竭礞砂
熟棗穰搗每粒丸成桐子大呼吸補瀉便離床口含令

水面朝上仰臥不問輕重一炷香祖師留下靈丹藥諸病

聞之自安康用此藥治瘟疫亦可故選入治瘟疫應去巴豆

人馬平安行軍散

明雄 硃砂 火硝 枯礬 乳香去油

兒茶 冰片 麝香 硼砂 沒藥去油

各等分共為細末點大眼角男左女右水麝少加亦可

一點絞腸沙 二點氣腰痛 三點重傷風

四點虫蝎傷 五點火眼發 六點走風痛

七點急心痛 八點急頭痛 九點火牙痛

十點牛馬驢

神柏散 治瘟疫

用廟社中西南柏樹東南枝疑用嫩枝帶葉者曬乾研末新汲

水下二錢日三次

六合疔中丸

蘇葉二兩宣木瓜二兩真藿香二兩子丁香一兩

白檀一兩香薷一兩木香一兩甘草一兩

共為細末滴水為丸如椒大每服二錢

一治胸膈飽悶用生姜二片煎水服

一嘔吐用滾水半盞對姜汁少許服

一霍亂用生姜二片煎水加炒鹽五分服

一不服水土煨姜三片煎水服

一絞腸沙炒鹽水煎服

一泄瀉生姜煎水服

藕蜜漿 治時氣瘟疫

生藕搗取汁一盞入蜜一合和勻分作兩服

生姜益元煎 益元散三錢生姜三錢黃酒水各半盞煎三

滾溫服即愈除瘟疫解毒

松峯云方書煎藥每言一滾者蓋言煎滾取下落滾
再煎再落如是者三

天行病心悶 用水中苦搗汁服

治瘟方

用紅糖入罐內封固蠟塞口臘月浸糞坑中二月取出
遇瘟疫用水調服

患疫忌葷一日

牛桑飲 治餘熱不退煩渴四肢無力不能飲食

牛旁根 生搗 約五六合空腹分二服服訖取桑葉一大

把炙黃水一升煮五六合服煖覆取汗無葉用枝

白藥散 治瘟疫

白藥子 出江西葉似烏田子如菜豆 未空腹水頓服即仰臥一食時候

心頭悶亂或惡心腹內如車鳴刺痛良久或吐利數次
皆勿怪服冷粥一碗止之

神麩煎 此方治瘟疫初起自直隸傳來試之亦不甚效意或瘟疫由食積而發者服之始效耶

神麴五錢 青皮一錢 葛根一錢 枳實五錢 紅麴五錢 芫荽根七條鮮首更妙

括萎湯

大括萎一个取瓢剝置碗中熱湯一碗沃之蓋良久去渣不拘時服治熱病頭疼發熱

一方 船底苔療天行時疫伏熱溫毒

治瘟疫秘方

麥冬三錢 燈心寸三十 芫荽梗寸三十 棗三枚劈 竹葉三十片 流水煎熱服

治瘟疫並大頭方

大力子 防風各等分 共為末每用五錢黃酒一盞水一

大盞同煎空腹溫服蓋被出汗

六一泥飲 治瘟疫八九日已經汗下不退口渴咽乾欲

飲水者 六一泥即蚯蚓糞 不拘多少新汲水調服

鷄子拖法治同上

用鷄子打一孔留黃將青傾在病者腹上用手在腹上圓轉攤搓久則漸成白沫用手抹棄再敲開一雞子依樣搓之止用四五枚腹內便覺清涼

觀音救苦散 專治傷風傷寒並疫氣所侵稍覺頭昏腦

悶項背拘急吹鼻取嚏毒氣隨散永不染着仙方也

川芎 藿香 黎蘆各三錢 丹皮去心 元胡索

硃砂各二錢 雄黃 白芷 牙皂各四錢

七味草藥共為細末硃雄另研調入收貯用時先噙水在口內次以藥吸人兩鼻孔吐水取嚏未病者吹之不染牛馬等受瘟者吹之亦效

治鬼魅魘人法

降香未一錢 皂角未一錢 硃砂 雄黃各三分 麝香三分

艾葉五錢 將藥末揉入艾中草紙裹為長筒點放床

底則不魘兼祛百怪惡邪之氣

太乙紫金錠一名紫金丹 一名玉樞丹

瘟疫煩亂發狂喉閉喉風以及陰陽二毒傷寒心悶狂言胸膈滯塞邪毒未出俱薄荷湯下凡遇天行時疫沿街闔戶傳染者用桃根湯磨濃滴鼻孔再服少許任入病家不染 兼治數十種雜症用引各殊俱載醫宗金鑑外科脾發疽門中茲不錄

雄黃三錢 取明朱砂三錢 麝香三錢 真者揀淨

川五倍子二兩 一名文蛤 紅芽大戟一兩 五錢去蘆根 洗淨焙乾為末

州紫色者為上江南土大戟次之
北方綿大戟色白性烈害人勿用
續隨子 上藥各擇精品於淨室中製畢候端午七夕重

陽或天月德天醫黃道土吉之辰合藥前三日齋戒至
期更衣洗手薰香設藥王牌位焚香拜禱畢將前藥逐
味稱集入大乳鉢內再研數百轉入細石臼內漸加糯
米濃汁調和軟硬得中用杵搗千餘下至極光潤為度
每錠一錢修和時除使令之人餘皆忌見做此藥唯在
潔誠方效病人每服一錠勢重者再服一錠以通利為
度利後溫粥補之

暈治瘟病

初得頭痛
豚大壯熱

小蒜汁少加水頓服再服即痊

嵐瘴

大蒜生熟各
七片

共食少頃腹鳴或吐血泄瀉即愈

治時氣

猪脂如彈丸溫水化服日三次

苦參酒

治瘟疫欲死并
治熱毒氣欲死

苦參兩黃酒一壺煮半壺飲盡當

吐則愈諸毒病服之覆取汗皆愈

此方三見各有不同
故并錄之

梓皮飲

生梓白皮切水煎

治時氣瘟病頭痛壯熱初得

一二日者

瘟病復感寒邪變為胃腕治同

蕤荷汁

治傷寒瘟病初得頭痛壯熱脈盛者

蕤荷

連根葉搗絞汁服

治瘟疫 虎耳草搗酒服治瘟疫

時行風熱 葶菜音甜一名葶藶搗汁飲之

梨甘飲 通治瘟疫 梨樹皮 大粉草各一兩 黃秫谷一合

為百草霜錢一共為細末每服三錢白湯日二服

時氣頭痛煩熱 皂角燒研入姜汁蜜各少許水和二錢

服之先以熱水沐浴後服藥取汗即愈

時疾煩悶瀉痢大渴孕婦心熱等症 蘆根一兩煎濃湯服

天行熱疾煩渴發狂及服金石心熱發渴 并煮葶汁服

瘟疫大熱 壯猪乾糞水漬取清飲

